

BASES FIGUEIREDO

CERTAME NACIONAL GALEGO DE

NARRACIÓNS BREVES

**Ano 2007. Centenario nacemento
Xaquín Lorenzo Fernández
"Xocas"**

- BASES 2007 -

1.FINALIDADE DO PREMIO

A fundación do Padroado do Pedrón de Ouro, coa colaboración da Concellería de Cultura do Concello de Ourense, organiza o Certame Nacional Galego de Narracións Breves baixo o nome de "Premio Modesto R. Figueiredo". Este certame organízase coa finalidade de promover a literatura narrativa en lingua galega e homenaxear o seu artellador, o pontevedrés Modesto R. Figueiredo. Na edición XXXIII o certame quere render homenaxe ao eximio ourensán Xaquín Lorenzo Fernández "Xocas" no centenario do seu nacemento e lembrar a súa contribución á cultura galega, moi especialmente no eido da etnografía.

2.REQUISITOS PARA PARTICIPAR

Poderán participar todos os outores e autoras de calquera nacionalidade, con unha ou máis obras, sempre que estean escritas en lingua galega, sexan inéditas e non se presentasen antes a ningún outro certame literario.

3.TRABALLOS QUE SE PODEN PRESENTAR

Os traballos deben ter un mínimo de cinco e un máximo de trinta páxinas mecanografadas a dobre espazo e por unha soa cara en follas de tamaño DIN-A4. Non obstante, o Xurado poderá reconsiderar esta base se entendese que a

temática ou desenvolvemento lóxico do argumento o precisasen.

4. TEMPO E MODO DE PRESENTACIÓN

As persoas que participen deberán enviar os seus traballos por quintuplicado sen remite, ou outra forma de identificación, **antes do 30 de novembro de 2007** a algún destes enderezos:

FUNDACIÓN DO PADROADO DO PEDRÓN DE OURO
Apdo. de Correos, 627. Santiago de Compostela

CONCELLERÍA DE CULTURA – CONCELO DE OURENSE
Rúa canle, nº 2- 32005- OURENSE

Para a identificación das persoas premiadas ou para aquelas que o Xurado considere apropiados para publicar, todos os traballos deberán engadir un sobre pechado, co título ou lema da obra no seu exterior, cos seus datos (nome, apelidos, enderezo, teléfono ou correo electrónico) eo currículo vitae se o considera oportuno.

Con respecto aos traballos que o Xurado considere merecentes de publicación poderán abrirse as plicas correspondentes para poñerse en contacto cos outores e autoras para que dean o consentimento para publicalos.

5. PREMIOS

A obra gañadora será premiada con 600€. Porén, se o Xurado considera de calidade outras obras, dúas delas poderán obter os segundos premios que se primarán con 240€ cada un.

Ademais, o Xurado poderá recomendar a publicación daqueles traballos que así o considere (aínda, que non contén con premio económico). En todo caso, a publicación destas obras soamente será posíbel co consentimento dos seus autores e autoras.

6.XURADO E DECISIÓN

O Xurado estará composto por catro especialistas en crítica literaria designados pola Fundación do Pedrón de Ouro co asesoramento e colaboración das Asociacións de Escritores e da Concellería de Cultura de Ourense. Así, a Fundación do Pedrón de Ouro reservarase os postos de presidente/a, secretario/a e moderador/a (estes dous últimos con voz pero sen voto)

Hai que destacar que o Xurado, se o considera pertinente, poderá outorgar o premio a dúas obras dividindo a súa contía. Ademais, se a calidade literaria das obras non fose estimábel, segundo o criterio do Xurado, o premio poderá declararse deserto.

O Xurado reunirse cara á terceira semana do mes de decembro e dará a coñecer a obra ou obras premiadadas coa apertura de plicas diante dos medios de comunicación. Finalmente, ao remate da decisión do Xurado o/a secretario/a redactará a acta que asinarán todos os membros deste.

7.ENTREGA DE PREMIOS

Os premios que obteñan as obras seleccionadas entregaranse nun acto orgaizado pola Concellería de Cultura de Ourense que se realizará na última semana de decembro. Os/as autores/as premiados/as terán que recoller persoalmente os seus galardóns.

8.OBXECCIÓNS E NORMAS DE INTERESE

A Fundación do Padroado do Pedrón de Ouro reservarase o dereito de publicar as obras premiadas na súa primeira edición. O/a autor/a ou autores/as, ao aceptaren estas bases, renuncian voluntariamente aos seus dereitos en favor da Fundación do Padroado do Pedrón de Ouro.

A partir da seguinte edición, as obras son da total propiedade das súas outoras e autores, que terán a obriga de facer constar que a obra foi premiada no Premio

Modesto R.Figueiredo da Fundación do Padroado de Pedrón de Ouro.

As obras non premiadas seranlles devoltas aos seus autores e autoras se as requiren antes de rematar o mes seguinte á decisión do Xurado. Se ninguén as require, serán destruídas.

A Fundación do Padroado do Pedrón de Ouro é a única entidade con capacidade para decidir en última instancia calquera dúbida que puidese suscitar a interpretación das bases deste certame.

O feito de concursar xa obriga as autoras e autores a aceptar as bases deste certame.